



Broj: 01/12-02-2357/25  
Datum: 19.1.2026. godine

| Primljeno: 19-01-2026 |      |         |            |
|-----------------------|------|---------|------------|
| Org. jed.             | Broj | Priloga | Vrijednost |
|                       |      |         |            |

**PREDSTAVNIČKOM DOMU  
PARLAMENTA FEDERACIJE BIH**

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 16. sjednici, održanoj 19.01.2026. godine kojoj je prisustvovalo šest članova Komisije, razmatrala je i jednoglasno usvojila sljedeći dnevni red:

1. Usvajanje zapisnika s 15. sjednice Komisije,
2. Prijedlog aktivnosti Komisije za razdoblje januar-maj 2026. godine,
3. Prijedlog Budžeta Federacije BiH za 2026. godinu – hitni postupak
4. Prijedlog zakona o izvršenju Budžeta u Federacije BiH 2026. godinu - hitni postupak,
5. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

**IZVJEŠTAJ**

**Ad – 1. Usvajanje zapisnika s 15. sjednice Komisije**

Zapisnik sa 15. sjednice Komisije jednoglasno je usvojen bez primjedbi,

**Ad – 2. Prijedlog aktivnosti Komisije za razdoblje januar-maj 2026. godine**

Predsjednica Komisije podnijela je izvještaj o realizaciji rada Komsije za pitanja mladih za period 2025.-2026.- godinu, te predstavila Akcioni plan rada Komisije za 2026. godinu. Nakon diskusije, prisutni članovi Komisije jednoglasno su podržali Akcioni plan Komisije za 2026. godinu.

**Ad -3. Prijedlog Budžeta Federacije BiH za 2026. godinu – hitni postupak**

Predsjednica Komisije dala je uvodna obrazloženja i napomene. Članovima Komsije obratili su se ovlašteni predstavnici Federalnog ministarstva finansija. Predsjednica je naglasila da je bila na sjednici Odbora za ekonomsku i finansijsku politiku zajedno sa

predstavnicom Vijeća mladih Federacije BiH koji su uputili inicijativu da se na Prijedlog Budžeta Federacije BiH uputi amandman. Članovi odbora jednoglasno su podržali ovu inicijativu. Otvorila je diskusiju u kojoj su učestvovali članovi Komisije. Nakon diskusije, Komisija je jednoglasno usvojila zaključak da na Prijedlog Budžeta Federacije BiH za 2026. godinu – hitni postupak uz podršku Odbora za ekonomsku i finansijsku politiku uloži amandman koji glasi:

### AMANDMAN I

U članu 3 Prijedloga, razdjel 52, glava 5201 Federalno ministarstvo kulture i sporta, Program Program PG\_52010508101235 – Razvoj i afirmacija sporta i sportskih djelatnosti i podrška promociji mladih, na poziciji 614 – „Tekući transferi i drugi tekući rashodi“, otvara se novi ekonomski kod 6144 – „Tekući transferi neprofitabilnim organizacijama – Transfer za mlade u FBIH“, u iznosu 1.000.000 KM.

Istovremeno, u članu 3 Prijedloga, razdjel 52, glava 5201 Federalno ministarstvo kulture i sporta, Program PG\_52010508101235 – Razvoj i afirmacija sporta i sportskih djelatnosti i podrška promociji mladih, ekonomski kod 6143 – „Tekući transferi neprofitabilnim organizacijama – Transfer za sport od značaja za Federaciju“, umanjuje se za 1.000.000 KM i sada iznosi 4.550.000 KM.

### Obrazloženje

*Transfer za mlade u budžetu FBIH predstavlja jedinstvenu i jedinu budžetsku stavku namijenjenu isključivo mladima i omladinskom organizovanju. Naime, Transfer za mlade postoji od 2012.godine i do sada je predstavljao jedini sistemski okvir kroz koji su mladi bili direktno prepoznati u federalnom budžetu.*

*Tokom 10 godina, kroz ovaj transfer je dodijeljeno više od 5,2 miliona KM i podržano više od 300 omladinskih organizacija iz cijele FBIH.*

*U Prijedlogu Budžeta za 2026.godine, nije uvršten, a nije ponudjeno obrazloženje ni u Prijedlogu Zakona o izvršenju budžeta FBIH za 2026.godinu.*

*Shodno tome, upućujemo Amandman kojim se vraća Transfer za mlade u budžet 2026.godine, u kojem će biti namjenska budžetska linija, sa iznosom od 1.000.000 KM, a što je i zaključak 25.redovne sjednice Predstavničkog doma PFBIH, održane 28.10.2025.godine.*

### **Ad – 4. Prijedlog zakona o izvršenju budžeta u Federacije BiH za 2026. godinu- hitni postupak**

Nakon uvodnog izlaganja predstavnika Federalnog ministarstva finansija, Komisija je obavila diskusiju i jednoglasno usvojila zaključak da se na Prijedlog zakona o izvršenju Budžeta u Federaciji BiH za 2026. godinu - hitni postupak uz podršku Odbora za ekonomsku i finansijsku politiku uloži sljedeći:

## AMANDMAN I

U članu 35. Stav (5) mijenja se i glasi:

„(5) Sredstva utvrđena na razdjelu 52, glava 5201, Program – Razvoj i afirmacija sporta i sportskih djelatnosti i podrška promocija mladih, ekonomski kodovi:

a.) 614300- Tekući transferi neprofitabilnim organizacijama – Transfer za sport od značaja za Federaciju,

b.) 614400 – Tekući transferi neprofitabilnim organizacijama – Transfer za mlade FBiH“.

Te se dodaje novi stav (6) koji glasi:

„(6) Sredstva iz stava (5) tačka a.) i b.) koriste se po programima utroška sredstava koje donosi Vlada FBiH, za finansiranje programa i projekata iz oblasti sporta, transfera mladih i sportskih igara mladih, te za sufinansiranje rada programa i projekata Fondacije za sport.“


Dosadašnji stavovi (6) i (7) postaju stavovi (7) i (8).

### **Obrazloženje**

*Potrebno je izvršiti predložene izmjene u članu 35. radi omogućavanja utroška sredstava iz novog ekonomskog koda 614400 – Tekući transferi neprofitabilnim organizacijama – Transfer za mlade u FBiH.*

U skladu sa članom 53. Poslovnika Predstavničkog doma za izvjestioca je određena Adisa Kokić-Hinović, predsjednica Komisije.

PREDSJEDNICA KOMISIJE

  
Adisa Kokić-Hinović